



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.55. Ecclesia Hispaniæ.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sepultus est ad S. Dionysium, cui Monasterio maxima contulerat beneficia. Sæcul. VIII.
A. C. 768.

§. LV.

Ecclesia Hispaniæ.

Eodem anno septingentesimo sexagesimo octavo e vivis abiit Froila Rex Christianorum in Hispania, postquam regnasset annis undecim & tribus mensibus. Is Alphonso Catholico, æra 795. seu anno 757. successerat, sæpiusque Arabibus prælio victis, Episcopatum Luci Augusti vulgo *Lugo*, veteris in Asturia Civitatis, quæ hodie destructa est, Ovetum transtulit. Civitas Ovetana originem suam debet cuidam Monasterio, Froila regnante fundato a Monachis, ut ibi S. Vincentii Reliquias deponere possent. Quandoquidem Christiani Valentia ab Arabibus pulsi has Reliquias itinere maritimo usque ad Promontorium, quod inde in Provincia Algarbiæ a Nomine S. Vincentii dictum, & prius Promontorium Sacrum appellabatur, detulerunt. Ex hoc loco Sancti hujus Reliquiæ ad diversa Hispaniarum loca pervenerunt. Froila regnante aliqua Monasteria fundata feruntur; sed Hispania tunc sub jugo Saracenorum gemente, de his nihil satis certum litteris proditum ad nos usque translatum habemus.

Sebast. Salmant.

Sandoval. not. p. 110.

Id. p. 97.

Sebast.

Sæcul. VIII.

A. C. 768.

Froila cum sua manu fratrem Vimarum occidisset, & ipse interfectus est, habuitque Successorem in Hispania Aurelium Patruelem, qui annos decem Regnum tenuit.

§. LVI.

Capitulare primum Caroli.

tom. 1. Cap.
p. 189.

- Ad initium Regni Caroli in Francia refertur Capitulare, quod ad reformationem Disciplinae Ecclesiasticae tendit. In eo Carolus loquitur in hunc modum:
- c. 1. *Cum nos omnes Subditi nostri, praesertim Episcopi & Clerici, id rogarent, Seruis Dei districte prohibemus, ne arma gestent, ne militent, ne exercitum sequantur, illis solummodo exceptis, qui delecti sunt ad celebrandum Officium Divinum, id est, Missas celebrandas, & portandas Reliquias. Ad quod praestandum unus, duove Episcopi cum Presbyteris Capellanis suffecerint. Quilibet Praefectus militum apud se habeat Presbyterum, qui confitentibus peccata sua penitentiam injungat.*
- c. 5. *Sacerdotes sub pœna Depositionis nec Christianorum, nec Paganorum sanguinem fundant. Nulli Clerici cum canibus, aut Falconibus venentur. Episcopi aut Presbyteri ignoti non admittantur ad Ministerium, nisi prius in Synodo ad examen vocati fuerint.*

Epis-